

Bäum wecke Traum

Omm letzde Somsdaach hott mich widder emol dess Kättche oogerufe. Honnes, hottse ins Telefon gepischbert, komm schnell, moin Monn, was der widder ferr Dinger mächt! Du werrst ess nit glaawe! Dess musde derr emol oogucke!

Also habb ich mich so schnell wie möchlich uff de Weech gemacht. Dess Kättche hatt schunn omm Fenster geguckt unn hott merr gleich die Dier uffgemacht. Guck derrn oo, hottse gesaat, in de Wohnstubb hockder.

Was ich dann geseh habb konnt ich werklich nit glaawe. Sitzt doch de Schorsch uff soim Sessel unn hott sich mett soim Hosegerrdel onn der Palm festgebunne, die schunn seit Johr unn Daach bei dene vorm Fenster stehe dut.

Ei Schorsch, habb ich gefroocht, was issen dess ferr e Demo?

Honnes, ich demonstrier geeche die Vernichtung von dere Palm. Verrzeh Johr stieht die schunn doo, unn jetz will dess Kättche die forthawwe. Debei iss dess e Erinnerung onn unsern Urlaub in Teneriffa, dort hawwe merr so e kloo Palm kaaft, hawwe se mett hoom genumme unn guck, wie die gewachse iss. Groß unn stark iss die worrn, unn doomols uff Teneriffa war ich aach noch groß unn stark, wennde waaßt was ich moon, unn deshalb will ich nit, dass die Palm unn doodemett Teneriffa zum Biomüll geworfe werred.

Dess Kättche hott debei gestonne unn jetz gesaat: Honnes, guck derr doch emol die Palm oo, die iss so gagelich unn hott nor noch wenich Blätter, die kimmt merr fort.

Ich saach: Schorsch, jetz mach emol den Gerrdel ab. Unn jetz will eich enn Vorschlaach mache. Ihr seht jetz zu, dass ihr zwaa unn nor ihr zwaa widder emol e schee Erlebnis habt, dann kaaft derr eich zur Erinnerung doodroo enn kloone Boom, den ihr widder wachse losse kennt. Wenn ihr den neie Boom habbt, dann schmeißt den alte fort.

Dess iss e gut Idee, hawwe die zwa gesaat, dess mache merr.

Drei Daach später hott mich de Schorsch uff de Gass getroffe unn gleich musst ich mettem hoom gieh. Unn wie ich in dene ihr Wohnstubb kumme bin, war die Palm fort unn onn dere Stell hott so e kloo Plänzje aussem große Blummedippe erausgeguckt.

Ich habb gegrinst unn gesaat: Aha, e Erinnerung onn e schee Erlebnis?

Ja, hott de Schorsch ze Antwort gewwe, e schee Erlebnis. Also, dess Kättche unn ich sinn gleich omm Sunndaach in de Odewald gefahrn, nooch Michelstadt. Dort gibt's enn scheene Wald mett ahle Buche unn Eiche unn omm Rond von dem Wald hosde enn scheene Blick uff Michelstadt unn uffs Mossautal. Unn bei dem Ausblick habb ichs Kättche onn de Hond genumme unn gesaat: Isses nit schee hier, Kättche? Doo hotts Kättche merr enn Kuss gewwe unn gesaat: Ja, Schorsch, hier in dem Wald isses schee. Ach Honnes, dess Kättche unn ich warn so glicklich, unn doo bin ich hie, habb so e kloo Buch aussem Boddem gezooge – unn hier isse, unn die Palm iss fort.

Schorsch, habb ich vorsichdisch gefroocht, seid ihr dort in dem Friedwald gewese? – wollt ihr eich dort begrawe losse?

Ja, sächt de Schorsch, dess war joo unser schee Erlebnis, dort unner Buche wolle merr begrawe werrn. Ob Palme odder Buche, Bäum wecke Traum.

Schorsch, saach ich, ich waaß nit. Weil immer wenn ihr jetz die Buch dort im Blummedippe oogucke dut misst ihr doch onns Sterwe denke, dess iss doch nix.

De Schorsch hott gelacht: Grad nit, Honnes. Immer wenn mir die Buch hier seh denke merr: Dir unn dene onnern Beem im Friedwald werrn mir die Zeit noch long mache!

Eiern Honnes